




RIGSADVOKATEN

Unnerluussisuunerup 2015
–imut ukiumoortumik nalunaarusiaaa

Kalaallit Nunaanni politit pillugit
naammagittaalliuutit suliarineqarnerat



Unnerluussisuunerup 2015

– imut ukiumoortumik nalunaarusiaaa

Kalaallit Nunaanni politit pillugit
naammagittaalliuutit suliarineqarnerat

Rigsadvokatens beretning 2015

Behandling af klager over politiet i Grønland

Publikationen kan hentes på Rigsadvokatens hjemmeside

<http://www.anklagemyndigheden.dk>

ISBN 978-87-994753-2-2 (Internet)

Layout: Rumfang

ISSN 1601-4138

Imarisai

Siulequt	5
1. 2015-imi sulineq nalinginnaasoq.....	6
1.1 Aallaqqaasiut.....	6
2. Suliat kisitsisinngorlugit nalunaarsorneri aamma naammagittaalliuutit aalajangersimasut	8
2.1 Politiit pillugit naammagittaalliuutinik aalajangiiniartartut suliat pillugit naammagittaalliuutit tiguneqarsimasut kisitsisinngorlugit takussutissiaq.....	8
2.2 Politiit pillugit naammagittaalliuutinik aalajangiiniartartut suliaannut tunngasut aalajangiiffigineqarsimasut ingerlasullu ..	9
2.2.1 Iliusaasut pillugit naammagittaalliuutit aalajangikkat kisitsisinngorlugit	10
2.2.2 Suliat pinerluttulerinermut tunngasut aalajangikkat kisitsisinngorlugit	11
2.3 Suliat rigsadvokatimit aalajangiiffigineqartut kisitsisinngorlugit ..	12
3 Suliat aalajangersimasut misissorneri.....	13
3.1 Inatsimmi kapitali 2 – iliusaasut pillugit naammagittaalliuutit ..	13
3.2 Inatsimmi kapitali 3 – pinerluttuleraluni suliat.....	14
3.3 § 17, imm. 2 malillugu misissuinerit.....	16
3.4 Suliat rigsadvokatimit suliarineqarsimasut	17
Kalaallit nunaanni politiit pillugit naammagittaalliuutinut aalajangiiniartartut nalunaarusiaat 2015	20
Suliaasimasunik nalunaarsuut	23
Ilanngussat	24
ilanngussaq 1: kalaallit nunaanni politiit pillugit naammagittaalliuutinut aalajangiiniartartut 19. marts 2014-imi ilaasortai.....	24

Siulequt

*Kalaallit Nunaanni Inatsisartunut, Folketingemut aammalu Inatsisiniq atortitsi-
nermik ministerimut*

Kalaallit Nunaanni politiit pillugit naammagittaalliuutit aammalu pinerluttuler-
raluni suliat suliarineqartarnerat pillugu inatsit nr. 905 16. december 1998-ime-
ersumi § 33 malillugu, inatsimmi kapitali 2-mi aammalu 3-mi taaneqartutut
suliat suliarineqarsimancerat ukiumoortumik Rigsadvokatip nalunaarusiaris-
savai. Pineqarput politiini sulisuuusut pillugit sulinermi nalaani iliuusaannut
naammagittaalliuutigineqartut suliarineqartarneri, politiini sulisuuusut pillugit
pinerluttulerinermut tunngasut suliassat suliarineqartarneri kiisalu politiitaku-
liunnerisa kingunerisaannik toqusoqarsimatillugu imaluunniit pineqartunik
politiinit tigummineqarnerup nalaani annertuumik ajoqusertoqarsimanceranik
misissuinerit.

Tamatumunnga naapertuuttumik matumuuna ukioq 2015-imut nalunaarusior-
punga.

Nalunaarusiammi Kalaallit Nunaanni Politiit pillugit naammagittaalliuutinik aala-
jangiiniartartut nalunaarusiaata ilaa ilanngunneqarpoq.

København, oktober 2017

Ole Hasselgaard

1. 2015-imi sulineq nalinginnaasoq

1.1 Aallaqqaaasiut

Kalaallit Nunaanni Politiit pillugit naammagittaalliuutinut aalajangiiniartartut 1. januar 2000 aallartinneqarput, ukiullu tamaasa Rigsadvokati Kalaallit Nunaanni Politiit pillugit naammagittaalliuutit suliarineqarsimaneri nalunaarusiarispai. Siornatigut nalunaarusiarineqarsimasut unnerluussisussaatitaasut nittartagaanni www.anklagemyndigheden.dk-mi pissarsiarineqarsinnaapput. 2000-imut, 2001-imut aammalu 2002-mut nalunaarusiani aaqqissuussinermi tunngaviusut sukumiisumik sammineqarsimapput aammalu politiit unnerluussisussaatitaasullu aaqqissuunneqarnerisa suliassallu allaaserineqarneri. Kalaallit Nunaanni politiit pillugit naammagittaalliuutinik aamma pinerluttoqarsimatillugu suliaqartarnernut tunngasut pillugit inatsit nr. 905 16. december 1998-imeersoq aamma nalunaarutit kaajallaasitallu ilanngussatut naqinnejarlutik ilanngunneqarput.

Inatsimmi nr. 305 30. april 2008-meersumi, 1. januar 2010 atuutilersumi, Kalaallit Nunaanni eqqartuuassisarnermik inatsit nutaaq akuerineqarpoq. Taamattorli Kalaallit Nunaanni politiit pillugit naammagittaalliuutit aammalu pinerluttuleraluni suliat suliarineqartarnerannut malittarisassat inatsimmi 1998-imeersumi immikkut naleqqussarneqarpoq.

Nalunaarusiami matumani 2015-imi politiit pillugit naammagittaalliuutit toqqakkat misissorneqarput. Aammattaq naammagittaalliuutit pineqartut pillugit kisitsisinngortinneqarneri ilaapput.



2. Suliat kisitsisinngorlugit nalunaarsorneri aamma naammagittaalliuutit aalajangersimasut

2.1 Politiit pillugit naammagittaalliuutinik aalajangiini-artartut suliaat pillugit naammagittaalliuutit tiguneqarsimasut kisitsisinngorlugit takussutissiaq

Politiit pillugit naammagittaalliuutit tiguneqartut amerlassusaat nalunaarsiorfimmi 2015-imi 12-iupput nalunaarusiorfimmi 2014-imi 15-iusimallutik. § 17, imm. 2 malillugu misissuinermit ataatsimik aallartitsisoqarpooq, suliallu inuit toqusimanerannut imaluunniit annertuumik ajoquersimanerannut, politiit akuliussimanerisa kingunerannik imaluunniit pineqartut politiinit tigumineqarnerisa nalaanni pisimasunut tunngasuupput.

Tabel 1. Politiit pillugit naammagittaalliuutit politimesterimi tiguneqarsimasut¹⁾

Tiguneqarsimasut ukiuni	2008	2009	2010	2011	2012	2013	2014	2015
Politiit iliuusaannut naammagittaalliuutit	12	8	6	9	8	8	10	8
Politiit pinerluttuliorsimanerinut naammagittaalliuutit ²⁾	14(0)	10(1)	11(7)	8(1)	7(3)	3(1)	5(0)	4(2)
§ 17, imm. 2 malillugu misissuinerit	3	3	1	1	1	1	1	1
Aaqqissuussineq malillugu suliat katillugit	29	21	18	18	16	12	16	13

Nassuaatit:

1) Politiit pillugit naammagittaalliuutit Rigsadvokatimit tiguneqarsimasut, [takuuk tabel 7](#)

2) Angallannermut tunngasut ungaluusigaapput

2.2 Politiit pillugit naammagittaalliuutinik aalajangiini-artartut suliaannut tunngasut aalajangiiffiqeqarsimasut

Ukiuni nalunaarusiorfiusuni 2015-imni Kalaallit Nunaanni politimesterip suliat arfinillit aalajangiiffigisimavai, 2014-imni 14-it aalajangiiffigisimallugit. Politimesterip oqaatigaa kisitsisit appasinnerannut pissutaasut ilaat tassaasoq 2015-imni politiit pillugit naammagittaalliuutinik suliaqartartunut atorfiiit inuttaqarsi-mannginnerat.

Tabel 2. Politiit pillugit naammagittaalliuutinik aalajangiiniartartut suliaat aalajangiiffigineqartut

Aalajangiiffiqeqarfigineqartut	2008	2009	2010	2011	2012	2013	2014	2015
Politiit iliuusaannut naammagittaalliuutit	16	9	9	9	4	8	8	2
Politiit pinerluttuliorneri 1)	18(2)	13(0)	8(4)	7(1)	11(3)	5(3)	5	2
§ 17, imm. 2 malillugu misissuinerit	1	2	2	2	1	1	1	2
Aaqqissuussineq mallillugu suliat katillugit	35	24	19	18	16	14	14	6

Nassuaatit:

1) Angallannermut tunngasut ungaluuusigaapput

2015-ip naanerani suliat 20-t Kalaallit Nunaanni politimesterimi suliarineqarput 2014-imni 11-usimallutik

Tabel 3. Politiit pillugit naammagittaalliuutinik aalajangiiniartartut suliassat

31. december ingerlasut

	2008	2009	2010	2011	2012	2013	2014	2015
Iliuutsit pillugit naammagittaalliuutit	10	9	8	6	10	9	6	14
Pinerluttuliornerit 1)	11	7(1)	11(4)	10(2)	8(3)	3	4	6(2)
§ 17, imm. 2 malillugu misissuinerit	2	2	2	1	1	1	1	0
Katillugit	23	18	21	17	19	13	11	20

Nassuaatit:

1) Angallannermut tunngasut ungaluuusigaapput

2.2.1 Iliusaasut pillugit naammagittaalliuutit aalajangikkat kisitsisinngorlugit
Iliusaasut pillugit naammagittaaliutit aalajangiiffigineqarsimasut kisitsisinngortinneqarnerat, naammagittaalliuutinut politeeqarfinni isumaqtigissutaasimasunut (nalunaarsukkanut) paasisutissanik naammagittaalliuutinik utertinneqarsimasunik naammagittaalliuutinillu itigartitsissutigineqarsimasunik imaqrput. Aammattaaq suliat politiit ataasiakkaat aamma/imaluunniit "aaqqissuussaaneq" isornartorsiussallugit imaluunniit pisoq ajuusaarutigissalugu tunngavissaqarsimavoq.

2015-imi iliusaasut pillugit suliat marluk aalajangiiffigineqarput. Suliani taakkunanna ataaseq tunngavissaqanngitsutut itigartitsissutigineqarpoq – suliaq immikkoortumi **3.4-mi** eqqartorneqarpoq. Suliaq aappaa nalunaarusiatut naammassineqarpoq – suliaq taanna immikkoortoq **3.1-imi** eqqartorneqarpoq.

Tabel 4. Suliat iliusaasunut tunngasut aalajangiiffigineqarsimasut

Suliat iliusaasunut tunngasut aalajangiiffigineqarsimasut	2008	2009	2010	2011	2012	2013	2014	2015
Naammagittaalliuutit politeeqarfimm isumaqtigissutigineqartut ¹⁾	0	1	1	0	2	1	1	1
Naammagittaalliuutit utertinneqartut	2	0	0	0	0	0	0	0
Naammagittaalliuutit tunngavissa- qanngitsutut utertitat ²⁾	12	6	7	7	2	6	5	1
Isornartorsiorneqanngilaq ajuusaarutigineqarpoq ³⁾	1	2	1	1	0	0	0	0
Isornartorsiuniissamut tunngavissalik ⁴⁾	1	0	0	0	0	0	2	0
Aaqqissuussiner isornartorsiuni erit ⁵⁾	0	0	0	0	0	0	0	0
Allat ⁶⁾	0	0	0	1	0	1	0	0
Katillugit	16	9	9	9	4	8	8	2

Nassuaatit:

1) Nalunaarsukkat.

2) Tassani pineqarpuit ilaatigut suliat tunngavissaqanngitsut, misissuinerit naammagittaalliuummut naapertutuinngitsut aammalu suliani paassisutissat imminnut paarlargasut ("naliigiinnartut").

3) Suliami pisup naammagittaalliorumut utoqqatsissutigineqarnera, naak politiitut sulisup iliusaasata isornartorsiuniisanut patsisissaqanngikkaluartoq.

4) Polititut atorfegartup iliusaasanik isornartorsiuneq

5) Ingerlatseriatsumut nalinginnaasumut aaqqissuussinerup isornartorsiorneqarnera

6) Suliaq unitsinneqarsimasoq pineqarpoq, ilaatigut naammagittaalliorup politimesterip saaffiginnissutaanut qisuarisarmannginnera pissutigalugu.

2.2.2 Suliat pinerluttulerinermut tunngasut aalajangikkat kisitsisinngorlugit

Sulianut *pinerluttulerinermut* tunngasunut kisitsisitigut takussutissiaq imaqarpooq sulianut paassisutissanik nalunaarutiginninnernik tunuartinneqartunik piviusorsiorumik suliarineqanngitsunik aamma sulianik paasiinarneri unitsineqartunik imaluunniit upuarneqanngiinnartussanik.

2015-imi suliat pinerluttulerinermut tunngasut marluk aalajangiiffigineqarsimapput. Suliat taakku marluusut immikkoortumi **3.2-mi** eqqartorneqarpoq.

Tabel 5. Suliat pinerluttulerinermut tunngasut aalajangiiffigineqarsimasut¹⁾

Aalajangiiffigineqartut	2008	2009	2010	2011	2012	2013	2014	2015
Nalunaarut itigartitsissutigi-neqarpoq ²⁾	2	3	1	1	0	1	1	0
Misissuineq unitsinnejqarpoq / unnerluussineq taamaatinnejqarpoq ³⁾	11	9	4(1)	2	7	3(3)	4	0
Unnerluussinissamut tunngavissalik ⁴⁾	2(2)	1	3(3)	4(1)	3(2)	1	0	2
Allat ⁵⁾	3	0	0	0	1	0	0	0
Katillugit	18	13	8	7	11	5	5	2

Nassuaatit:

1) Suliat angallannermut tunngasut ungaluuusigaapput.

2) Eqqartuusisarnermi inatsit § 337, imm. 2 malillugu akerlianik itigartitsineq.

3) Taakkunani pineqarput suliat, eqqartuussiveqarneq pillugu inatsimmi § 338, imm. 3 malillugu (inuit pasineqanngitsut), akerleruumata, unitsinnejqarsimasut aamma suliat eqqartuussiveqarneq pillugu inatsimmi § 312 malillugu uparuaaffigi-negarnissal taamaatiinnarnejqarsimasut (inuit pasineqartut).

4) Taakkunani pineqarput suliat, unnerluussissaasimasut, akiligassiisutaasimasut imaluunniit mianersoqqusummik nalunaarfigineqarsimasut..

5) Taakkunani pineqarput suliat utertinneqarsimasut, annikutsu (angallannermut tunngasut) il.il.

2015-imi sulianik marlunnik § 17, imm. 2 malillugu suliarineqartunik aalajangiisoqarpoq (misissuinerit inuup toqusimaneranut imaluunniit annertuumik ajoquusersimaneranut, politiit akuliussimanerisa kinguneranik). Suliap aappaan alunaarusiami 2014-imi immikkoortumi **3.3-mi** sukumiinerusumik eqqartorneqarpoq, aappaalu matumani immikkoortoq **3.3-mi** eqqartorneqarluni.

Tabel 6. § 17, imm. 2 malillugu misissuinerit aalajangiiffigineqarsimasut

§ 17, imm. 2 malillugu aalajangiiffigineqartut	2008	2009	2010	2011	2012	2013	2014	2015
Misissuinerit unitsinneqartut	1	2	2	0	1	1	1	2
Allat	0	0	0	2	0	0	0	0
Katillugit	1	2	2	2	1	1	1	2

2.3 Suliat Rigsadvokatimit aalajangiiffigineqartut kisitsisinngorlugit

Ukumi nalunaarusiorfiusumi Rigsadvokati pinerluttuleraluni sulianik siullermiikkatut suliamik ataatsimik tigusaqarnikuuvooq.

2015-imi politimesterip aalajangigaanut naammagittaalliuummik ataatsimik Rigsadvokati tigusaqarnikuuvooq. Suliat taakku marluusut immikkoortoq **3.4-mi eqqartorneqarput**.

**Tabel 7. Polititit pillugit naammagittaalliuutit Rigsadvokatimut takkussortut
immikkoortiternerat**

Suliassaq takkuttoq i	2008	2009	2010	2011	2012	2013	2014	2015
Suliaq uannga naammagittaalliutaavoq								
– <i>politiitit atorfiliimmit</i>	0	0	0	0	0	0	0	0
– <i>innuttaasumit</i>	1	1	0	0	0	0	1	1
– <i>politiitit pillugit naammagittaalliuutinik aalajangiisartut</i>	0	0	0	0	0	0	0	0
Suliat siullermiikkatut Rigsadvokatimit suliarineqartut	3	0	0	0	1	0	0	1
Katillugit	4	1	0	0	1	0	1	2

3. Suliat aalajangersimasut misissorneri

Sulianik aalajangersimasunik misissuinerup suliat nalinginnaasut arlariaat 2015-imni suliarineqartut erseqqissaavagineqarnissaat siunertaraa.

3.1 Inatsimmi kapitali 2 – iliuusaasut pillugit naammagittaalliuutit

Politimesterip 2015-imni politiit sulinermanni iliuusaannut naammagittaalliuutit marluk aalajangiiffigivai, tak. immikkoortoq 2.2.1. Suliap aappaa nalunaarusia-
tut suliarineqarpoq. Ataani nassuaatigineqarpoq. Suliap aappaa immikkoortoq 3-4-mi nassuaatigineqarpoq.

Politiit sorraatsumik saaffiginnissimanerat pillugu naammagittaalliuut
(55PM-00171-00001-14)

Assersuut 1

Innuttaasup B'p politiit attavigai ikiortiseriniarlugit, B'p kissaatiginnisaanik innuttaasumit allamit K'mit arlaleriarluni attavagineqartarsimagami. Tamanna tunngavigalugu Politiip P'p telefonikkut K attavigaa qinnuigalugu B attavigi-
naveersaaqqullugu.

Kingornatigut K'p naammagittaalliuutigaa P'p telefonikkut oqaluumanis sorraatsumik pissuseqarsimammat, P'p soqtigisimanngikkaa suliaq pillugu K'p oqaassisaaanut soqtiginninngissimanera, aammalu oqaluunnermi P'p K naveer-
simammagu. Aammattaaq K'p oqaatigaa iluamik paasinagu sianernermet suna
pissutaanersoq.

K'p naammagittaalliuutaa tunngavigalugu politeeqarfimmi aqutsisoq L
K'mut telefonikkut attaveqarpoq nassuaatigalugu P'p K'mut sianersimanera
pissutigalugu sianerluni. L'ip ajuusaarutigaa P'kkut K'ilu oqaloqatigiinnerat
nuanniissimammat, aammalu politiit sianernerata sumik tunngaveqarneranik
K naammattumik nassuaanneqarsimannitsoq, kiisalu politiiniit kina K'mut
sianersimanersoq.

Aammattaaq K nassuaanneqarpoq oqaloqatigiinneq pillugu K'p isumaqar-
nera L'ip P'mut apuukkumaaraa, aammalu L'ip aammalu K'p oqaloqatigiinnera
nalunaarusiarineqarumaartoq. Tamatumunnga K paasinnippoq.

Nalunaarusiaq politimesterip tusaatissatut tiguaas suliamilu allanik iliuuseqaqqigani.

Politimesterip aalajangiineranik Politiit pillugit naammagittaalliuutinut aalajangiiniartartut paasitinneqarput.

3.2 Inatsimmi kapitali 3 – pinerluttuleraluni suliat

Aalajangersagaq § 17, imm. 1 malillugu, politimesteri nalunaarutiginnissut maillugu imaluunniit nammineq ingerlatsinermigut paasiniaaqqissaarilertassaaq, politiinut sulisut sulinermanni pinerluuteqarsimanerat pasitsaanneqaraangat.

Innutaastrup nalunaarutiginninnera tunngavigalugu paasiniaaqqissaarneq aallartinneqartarpooq. Aammattaaq politimesterip paasiniaaqqissaarneq aalartittarpaa, pinerluttoqarsimasinnaaneranut politiit paassisutissanik ilisimatinneqaraangata.

2015-imi pinerluttuleraluni sulianik marlunnik aalajangiisoqarpooq, tak. imikkoortoq [2.2.2](#).

Assersuut 1 Kommunefogedip nakuusersimanera pillugu nalunaaruteqarneq

(55PM-00174-00002-15)

Politimesteri politeeqarfimmit nalunaarfingineqarpoq, pisiniarfimmi tillinniar-toqarneranut atatillugu suliami kommunefoged K innuttaasumut B'mut nakuusersimasoq, suliami B pasineqarsimasoq.

K politiinit killisiorneqarami nassuerpoq B marloriarluni isassimallugu.

Suliami paasinarsivoq K pisiniarfimmi B'p tillinniarfigisaani sulusuusimasoq, aammalu ulloq taanna tillinniartoqareersoq B pisiniarfimmut utermat nakuu-serneq pisimasoq, aammalu K tillinniartoqarsimaneranik paasitinneqarsimasoq.

Suliami pisut politimesteri eqqarsalersippaat suliaq Politiit pillugit naammagittaalliuutinut aalajangiiniartartut piginnaatitaaffiinut attuumassuteqarner-soq, nalorninarmat K kommunefogeditut imaluunniit inuinnartut nakuusersimanersoq.

K'p ulloq taanna siusinnerusukkut kommunefogeditut atuussimanera nangiinnarlugu nakuusernerup pisimanera eqqarsaatigalugu, aammalu K'p nammineq nassuaanera malillugu nakuusernermini nunaqarfimmi eqqisisimatitsi-nissaq eqqarsaatigismallugu, politimesteri isumaqarpoq suliaq Politiit pillugit naammagittaalliuutinut aalajangiiniartartunut saqqummiunneqartariaqartoq.

Tamatuma kingornatigut politimesterip K nakuusersimasutut unnerluutigaa.

Politimesterip aalajangiineranut Politiit pillugit naammagittaalliuutinut aala-jangiiniartartut isumaqataapput.

K eqqartuussivimmi pisuutinneqarpoq mianersoqqusummillu tunineqarluni. Pillaanerup aalajangiiviginissaanut K'p inuttut atugai pitsasut eqqartuussiviup tunngavilersutigai.

Suliaq politimesterip Nunatta Eqqartuussisuuneqarfianut suliareqqitassannortippaa. Eqqartuussisuuneqarfimmi pillaat ukiumik ataatsimik misilinnejarfiliilluni utaqqisitamik ulluni 30-ni inissiisarfimmiittussangortitsilluni sak-kortusineqarpoq.

Suliap nalunaarutigineqarnerata kinguninngua K qinnuteqareerluni akuerineqarluni soraarpoq.

Politiip peqquneqarani pinerluttut allattorsimaffiannut ujaasisimanera

(55PM-00174-00004-14)

Assersuut 2

Inatsisartunut qinersisoqalernerata nalaani Politimesterip paasitinneqarpoq politikereq ataaseq pinerluttunut allattorsimaffimmi peqquneqannngitsumik ujaasiffigineqarsimagunartoq. Tamanna tunngavigalugu Politimesterip Rigs-politiit qinnuigai pineqartoq pillugu pinerluttunut allattorsimaffimmi kina uja-asismanersoq paasiniaqqullugu.

Rigs politiit misissuinerisa takutippaat politeeq P pineqartoq pillugu pinerluttunut allattorsimaffimmi ujaasisimasoq.

P'p nassuerutigaa sulinerminut pissutissaqarani pineqartoq pillugu ujaasi-malluni. P'lli nassuiaatigaattaaq ujaasinerminit paassisutissat ingerlateqqis-simanagit.

Tamanna tunngavigalugu atorfimmik atornerluineq pillugu pinerluttuleri-nermik inatsimmi § 49-mik unioqqutitsisimasutut suliaq akiligassiinermik 2.000 kr.-inik annertussusilimmik aalajangiiffigaa.

Aalajangiinermut Politiit pillugit naammagittaalliuutinut aalajangiiniartartut isumaqataapput.

Politimesterip suliaq aalajangiiffigereerlugu paasivaa pinerluttulerinermik inatsimmi § 21, imm. 1, nr. 1 malillugu pisoqalisoornissamut piffissap killinga qaangereersorlu akiligassiissut tunniunneqarsimasoq. Tamanna Politimesterip Politiit pillugit naammagittaalliuutinut aalajangiiniartartunut nalunaarutigaa, tamatumalu saniatigut Rigs politiinut innersuussutigalugu suliaq disciplinæreritut aalajangiiffigisariaqartoq.

Tamatuma kingorna Rigs politiit suliaq disciplinæreritut akiligassiissutit 1.000 kr.-imik annertussusilimmik aalajangiiffigaa.

3.3. § 17, imm. 2 malillugu misissuinerit

2015-imí suliat marluk inatsimmi § 17, imm. 2 malillugu aalajangiiffigineqarput, taakkulu politiit akuliunnerannik patsiseqartumik, imaluunniit pineqartup politiinik tigummineqarnerata nalaani inuup toqusimaneranut imaluunniit annertuumik ajoqusersimaneranut tunngapput. Suliap aappaa Rigsadvokatip 2014-imí Kalaallit Nunaanni Politiit pillugit naammagittaalliuutit sularineqartarnerat pillugu nalunaarusiaani eqqartorneqarpoq, immikkoortoq 3.3-mi. Suliap aappaa uani ataani eqqartorneqarpoq.

Assersuut 1

Politiit innuttaasumut eqqaassisimanerat

(55PM-00175-00001-15)

Politimesteri nalunaarfigineqarpoq innuttaasoq B ilaqtuttaminut sakkortusaarsimasoq. B peqqarniitsutut politiinit ilisimaneqareerpoq. Politiit sisamat sumifimmukaanneqarput. Politiit P1'ip aammalu P2'p piffimmut apuukkamik paasiavaat B illup initaaniittooq.

Politiit arlaleriarlutik B qinnuigisaraluarpaat anillaqqullugu, B'li piumanngilaq. B igaffiliarpooq, tassani savik aallugu. Kingornatigut P1'ip aammalu P2'p illuinnarsuutitik tiguaat, B'lu tamatuminnga paasitillugu, aammalu B naalakkerneqarluni savik ileqqullugu anillaqqullugulu. B politiit piumaffiginninneran-
nut malinninngilaq, inimukarlunili, ilisimannittut marluk isersimaffigisaannut. Politiit piumaffiginninnerannut B suli malinninngimmat P1 ataasiarluni igip-
poq, B sakiaatigut eqqorlugu.

Igittoqareersoq B P1'ip aammalu P2'p tungaanut ingerlavoq, B'lu seeqqum-
merpoq. P1'ip aammalu P2'p ajugaaffigaat savimmillu arsaarlugu, kingornalu ambulancenik aggersaapput ikiueeqqaarlutillu.

Kalaallit Nunaanni politiitut sulisut pillugit naammagittaalliuutit aammalu pinerluttuleraluni suliat sularineqartarnerat pillugu inatsimmi § 17, imm. 2 malillugu misissuineq Politimesterip aallartippaa.

B'p suliamut nassuaatigaa pisoq tamaat eqqaamanagu, kisiannili eqqaamal-
lugu politiit savimmik tikkuaqqasimallugit, aammalu politiit oqalussimasut eqqissinngippat iginniarlutik. Taakku saniatigut B'p nassuaatigaa savik iliartorniarlugu igaffimmukarnermini aallaaneqarsimalluni.

Politiit najuussimasut sisamaasut nassuaatigaat B – igittoqannginnerani – qinnuigineqarsimasoq inimut iseqqunagu. P1'ip aammalu P2'p nassuaatigaat B inimukartoq aallaaneqarsimasoq.

Politiit aammalu ilisimannittut nassuaataat tunngavigalugit Politimesterip tunngavilersuutigaa igittoqarnerata nalaani B igaffiliarsimanngitsoq, kisiannili B inimukarsimasoq, ilisimannittut isersimaffigisaannut.

Politimesteri isumaqarpooq P1'ip iginnermini nammineq allalluunniit navi-anartorsiusanngippata aallaammik atuinissaq pisariaqarsimasoq, B savimmik tigummiarluni inimukarsimammat inuinnaat allat isersimaffigisaannut, ilaati-gut inuk ataaseq B'p siusinnerulaartukkut nakuuserfigisimasa. Aamattaaq Politimesterip tunngavilersuutigaa pisup navianarnera pissutigalugu allanik sakkukinnerusunik sakkoqarnissamut periarfissaqarsimannginnera eqqarsaati-galugu P1'ip illuinnarsumminik atuisimanera tunngavissaqarsimasoq.

Tamatuma kingorna Politimesteri isumaqarpooq aallaanninnissamut male-ruagassat malillugit aallaanninnissamut piumasaqaatit plusimasut, aammalu pisumi timaata tungaanut igissimaneq tunngavissaqarluni sakkulersornerusi-masoq, tamannalu saassussinerup navianassusaanut, saassussisumut aammalu inatsisitigut illersukkap pingaassusaanut sinniivallaarsimanngilaq.

Tassunga atatillugu Politimesterip innersuussutigaa P1'ip pisumi pinerluttoq sakkulersortoq qanittuararsuusimagaa, aammalu najuuttut allat eqqarsaati-gissagaanni tigusarininniassagaannilu P1 tunuarternissamut periarfissaqarsi-manngitsoq.

Tamatuma kingornatigut Politimesterip suliaq taamaatippaa, isumaqarami pisumi politiit naleqqutinngitsumik kukkusumilluunniit iliuuseqarsimanerat ilimanaateqanngitsoq.

Politiit pillugit naammagittaalliutinut aalajangiiniartartut aalajangiinermut isumaqa-taapput.

3.4 Suliat Rigsadvokatimit suliarineqarsimasut

Inatsimmi kapitali 5-imí malittarisassanik ilanngussisoqarsimavoq Rigsadvokatip suliarinnitarneranut politimesterimut imaluunniit politimestereqarfimmi sulisunut tunngatillugu (politimestereqarfimmi inatsisilerituut politiitullu ator-fillit amerlanngitsut, politimestereqarfipiup allatseqarfiani sulisut) iliuusaasut pillugit naammagittaalliutit aamma suliat pinerluttulerinermut tunngasut. Rigsadvokati inatsit malillugu periarfissaqarpooq statsadvokat suliani pinerlut-toqarsimaneranik paasiniaatissallugu, mannali tikillugu suliassat taamaattut nammineerluni suliarisarpai.

Rigsadvokati 2015-imi siliarinneqqaartutut suliamik ataatsimik tigusaqarni-kuuvoq. Aammattaaq ukumi nalunaarusiorfiusumi politimesterip aalajangi-gaanut naammagittaalliummik ataatsimik tigusaqarnikuuvoq. Suliaq matuma ataani eqqartorneqarpoq.

Assersuut 1**Kalaallit Nunaanni Politimesteri nalunaarutigineqarpoq inuttaasumik eqqartuussisutigoortumik suliakkiisimanngimmat**

(55PM-00170-00034-15, SAK-2010-362-0001, RA-2015-362-0012)

Innutaasoq B nalunaaruteqarpoq, kommunaldirektøriusimasup eqqartuussivikkoortumik suliakkiussimannginneratigut politimesterip aaqqissuussamik pinerlunneq isertuussimagaa, pinerlunneq nunatsinni kommunep aammalu qal-lunaat politivisa akunnerminni pisortani sullissinermi pinerlunneruneraasoq.

Suliaq Politimesterip Rigsadvokatimut sularisassanngorlugu ingerlatippaa, tunngavilersuutigalugu politimestereqarfimmik nalunaarutiginninnerusoq, taamaalillunilu mestereqarfik qanippallaartoq.

Rigsadvokatip suliaq Københavnimi Statsadvokatimut ingerlatippaa, innersuussutigalugu ukiut 13-it missaanni tamatuma siornatigut aalajangiineq, politimesterip aalajangiussimasa, atortiinnarsimammag, pineqarluni kommunaldirektøriusimasup ilaatigut sioorasaaralunilu atorfimmini suliassanik isumaginninngissimasutut nalunaarutigineqarneranut misissuiffigineqarnerata taamaatinneqarnissaa, taamaalillunilu Rigsadvokati qanippallaarluni.

Statsadvokatip aalajangiuppa suliap misissuiffigineqarnissaanut aallartit-sissalluni tunngavissaqanngitsoq. Tassunga atatillugu Statsadvokatip pingartippaa paassisutissanik, nalunaarutiginninnermut uppermarsaataasunik imalunniit politimesterip pinerlussimasinnaaneranut uppermarsaataasinnaasunik, soqannginnera.

Aammattaaq Statsadvokatip pingartippaa, kommunaldirektøriusimasumik misissuinerrik taamaatitsinissamut politimesterip aalajangiinera immiki politimesterip pinerlussimanissaanut uppermarsaataasinnaannginnera.

Tamanna tunngavagalugu Statsadvokati isumaqarpoq pinerluttoqarsimanis-saa ilimanaateqanngitsoq.

Politiit nukersorsimancerat aammalu isertitsivimmut inissiinermi oqaatsit ator-neqarsimasut pillugit naammagittaalliuut

(55PM-00173-00006-14, RA-2015-362-0009)

Anaanaasup panini 15-inik ukiulik K sinnerlugu naammagittaalliuuteqarpoq, politeeq P K isertitsivimmut isertinnejqarmat K'mut nikassaarpaluttutut oqalussimasoq, K atisaanik aseruillunilu arsaarinnissimoq, aammalu K'mut sakkortusaarsimosoq.

P'p nassuaatigaa K isertitsivimmut inissinneqarnermini aqtassaasimanngitsosoq. K nilliasimavoq arlaleriarlunilu atisami ilai qungatsiminut sukagussimagai. Taamaattumik P isumaqarsimavoq K'p atisaata ilai qiortartariaqarsimasut atisat K'p qungasianiit peerniarlugin. P'p nassuaatigaa K atisaaniit peerniarlugu taamaallaat K tigusimallugu. P'p nangartarsinnaanngilaa tamatuma kingunerisaanit K tungujorneqalersimassappat, nassuaatigaluguli K ikiorniarlugu taamaalisimassasoq. Aammattaaq P'p nassuaatigaa P'p K "meerapalaamik" assigisaanilluunniit taaratarsimasinnaallugu, kisiannili K'p aqussinnaanngineranit pissuteqartoq.

Politimesterip aalajangiinermini pingaartippaa K ikiorniarlugu atisai P'p qiortartariaqarsimammagait. Tamanna tunngavigalugu Politimesteri isumaqarpoq isertitsivimmut inissiinermi P'p pissusilersuutai isornartorsiussallugit tunngavissaqanngitsoq.

Aammattaaq Politimesterip tunngavilersuutigaa P'p K'mut "meerapalaamik" assigisaanilluunniit oqalussimanera. Politimesteri isumaqarpoq P'p oqaasii tulluarpallaarsimanngitsut. Pisumili K'p aqussaasimannginnera aammalu nilliasqattaarnera, aammalu K arlaleriarluni atisaminik qungatsiminut sukagussimamat, politimesteri isumaqarpoq paasinartoq K'p pissusilersorneranut P ajorinnissimappat.

Tamanna tunngavigalugu naammagittaalliuut tunngavissaqanngitsutut Politimesterip itigartitsissutigaa.

Politiit pillugit naammagittaalliuutinut aalajangiiniartartut aalajangiinermut isumaqataapput.

Politimesterip aalajangiinera niviarsiaqqap arnaata Rigsadvokatimut naammagittaalliuutigaa, taassumalu Politimesterip aalajangiinera atuutsippaa, Rigsadvokati – politimesteritut – isumaqarami oqaaseq "meerapalaaq" assigisaaluunniit atussallugut tulluartuunngitsoq. Politimesteritut Rigsadvokati isumaqarpoq paasinartoq pisumi K'p pissusilersorneranut P ajorinnissimappat.

Assersuut 2

Kalaallit Nunaanni Politiit pillugit naammagittaalliuutinut aalajangiiniartartut 2015-imut nalunaarusiaat

Kalaallit Nunaanni Politiit pillugit naammagittaalliuutinut aalajangiiniartartut 2015-imi sulianik nutaanik aqqanilinnik tigusaqarput, ukununnga agguataarsi-masunik:

Suliat takkuttut	2015	2014	2013	2012	2011	2010	2009	2008
Suliat nalunaarusiarineqartut	1	1	0	0	0	2	1	0
Iliuusaasut pillugit naammagittaalliuutit	3	8	8	6	5	6	6	15
Pinerluttuleraluni suliat	2	4	3	8	6	2	9	14
17.2-suliat	3	0	1	3	2	1	1	2
Suliat aqqusinertigut angallannermut tunngasut	2	0	1	5	1	5	0	0
Misissuilluni suliat	0	0	1	1	1	2	2	0
Suliat katillugit	11	13	14	23	15	18	19	31

Ukiup ingerlani Aalajangiiniartartut suliat aqqaneq-marluk aalajangiiffigivaat, imatut agguataarsimasut:

Suliat takkuttut:	2015	2014	2013	2012	2011	2010	2009	2008
Suliat nalunaarusiarineqartut	1	1	1	0	0	2	1	0
Iliusaasut pillugit naammagittaalliuutit	4	8	7	3	9	5	8	15
Pinerluttuleraluni suliat	3	5	3	8	5	2	10	18
17.2-suliat	2	1	1	2	2	1	1	2
Suliat aqqusinertigut angallannermut tunngasut	2	0	2	3	1	5	0	0
Misissuilluni suliat	0	0	1	1	3	0	0	0
Suliat katillugit	12	15	14	17	18	18	20	35

Ukiup naanerani suliat qulingiluat ingerlapput, suliat Kalaallit Nunaanni Politimesterimit aalajangiiffigineqarnissamut utaqqisut. Taakkunanna marluk 2012-imeersuupput, ataaseq 2014-imeersuulluni sinnerilu 2015-imi takkuttulutik.

2015-imi naammagittaalliuutit amerlassusaat 2000-imiilli aaqqissuussinerup atuutilersinneqarneraniit suliat takkuttut agguaqatigiissillugu amerlassusaaniit suli appasinnerupput.

Pinerluttuleraluni suliani pingasuuusuni politiit sulisut pineqartut pillugit naammagittaalliuutaasuni unnerluussisoqarsimavoq. Suliami ataatsimi pisiniarfimmi tillinniartoqarneranut atatillugu kommunefogedip kiinnakkut anaasisimanera pillugu unnerluussisoqarpooq. Suliaq ataaseq politiip atorfimminik atornerluilluni suliaminut attuumassuteqanngitsumik pinerluttut allattorsim-affiannut inummik aalajangersimasumik peqquneqarani ujaasisimaneranut tunngavoq. Politeeq pineqartoq unnerluussisutigineqartumut pisuulluni nasuerpoq. Pinerluttuleraluni suliaq kingulleq ullormusiat pillugit maleruagassat akerliannik politiit sulisup angalasimanermi naatsorsuusiarisimasaanut tunngavoq

Aqqusinertigut angallannermut suliani marluusuni politeeq pineqartoq akiligassinneqarpoq, suliallu aalajangiiffigineqarsimasut aappaani politiit sulisup

unioqqutitsisimanerani eqqartuussivik pisuutitsivoq, akiligassarli atorunnaarsinnejarsimavoq suliamik suliarinnilluni piffissaq atorneqartoq sivisallaarmat.

Iliuutsit pillugit suliani aalajangiiffigineqarsimasuni politimesteri suliani mar-lunni pisoq pillugu politiitut sulisup ajuusaarnera akuerivaa. Taakku saniatigut suliani isornartorsiuissalluni tunngavissaqarsimannngilaq.

§ 17, imm. 2 malillugu suliani, politiit tigummigallaanerini ajoqusertoqarsi-manera pillugu, isornartorsiuissalluni tunngavissaqarsimannngilaq.

Suliani tamani politimesterip uppernarsaaneranut aammalu sulianut aalajan-giineranut aalajangiiniartartut isumaqataasimapput.

Ukiup ingerlanerani Politiit pillugit naammagittaalliuutinik aalajangiiniartartut sulianik aalajangiinissamut tallimariarlutik ataatsimiittarsimapput.

Ukiup ingerlanerani Aalajangiiniartartut naammaginarluinnartumik Kalaallit Nunaanni Politimesterimik aammalu Rigsadvokatimik suleqateqarput.

Nuuk, ulloq 19. april 2016

Kalaallit Nunaanni Politiit pillugit naammagittaalliuutinik

Aalajangiiniartartut siulittaasuat:

Anita Strauss Sørensen

Suliaasimasunik nalunaarsuut

Rigsadvokatens j.nr.

RA-2016-360-0094

RA-2015-362-0012

Statsadvokaten i Københavns j.nr.

SAK 2016-362-0001

Kalaallit Nunaanni Politimesterip j.nr.

55PM-00170-00034-15

55PM-00173-00006-14

55PM-00174-00002-15

55PM-00174-00004-14

55PM-00171-00001-14

55PM-00175-00001-15

Ilanngussaq

Ilanngussaq 1

Ilanngussaq 1: Kalaallit Nunaanni politiit pillugit naammagittaalliuutinik Aala-jangiiniartartut 19. marts 2014 ilaasortai:

Kalaallit Nunaanni Politiit pillugit naammagittaalliuutinik Aalajangiiniartartut
Fjeldvej 16
Postboks 59
3900 Nuuk

Siulittaasoq:

Advokat Anita Strauss Sørensen
Advokat Jens Paulsen (sinniisussaq)

Inuinnaq sinniisussallu:

Bjarke Egede
Nikoline Ziemer (sinniisussaq)

Johanne Olsen
Nitta Lyberth (sinniisussaq)

Rigsadvokaten

Frederiksholms Kanal 16
1220 København K

Telefon 72 68 90 00

